

nis stylium in oris usque amplitudinem protrudes, gargareonis naturam examinās. Mox cunctis
 à gargareonis radice ad incisivos usque dentes in oris tunica sectione duces, eam cutis alicuius
 modo nonnihil ab incumbentibus organis liberans. In hoc opere tertium nervorum cerebri
 par se offeret, quæ linguæ & inferiori maxillæ derivatur. dein septimum cerebri nervorum
 par sexto commissum, unâ cum soporali arteria, interiori iugulari uena, & si aliquantulum
 ascenderis, quantum quoque nervorum cerebri par, & ramos quosdam tertij paris & quinti pa-
 ris temporali exporrectos musculo uidebis, si modo unum organum ab alio sensum separare
 non piguerit. Ad hæc linguæ musculi, uti in secundo docuimus libro, adiuventur, in quo-
 rum administratione nervorum in linguam excurrentium propagines, ac uenæ simul & arteriæ
 sese offerent. Musculi etiâ inferioris maxillæ reconditi, hic paruo negotio occurrunt, is uideli-
 cet qui in ore delitescens cum temporali & massetere maxillâ sursum ducit, & is qui à processu
 stylium referenti enatus, ad summum mentum inferiori maxillæ implantatur. Præterea tonsillæ,
 aliæque glandes uasorum distributionibus in faucibus præfectæ, tibi hanc administrationem
 molienti pulchrè occurrent. Laryngis autem musculi ita prorsus atque in secundo monuimus
 libro, sunt aggrediendi, ipsorumque nerui dum dissecantur, non perfunctorie ueniunt animadu-
 tendi. Ablato itaque nunc unâ cum lingua osse u imaginem referente, laryngis ac stomachi initio,
 inferiorem maxillam à superiori prorsus liberabis, non neglectis interim peculiaribus hic repo-
 sitis cartilaginibus, quas perinde ac cartilagine clauiculari cum pectoris osse articulos inter-
 cedentes, ad sceleti constructionem asseruare nihil prohibet. Atque ita etiâ pari ratione os ima-
 ginem referens, & laryngis natiq; alarum cartilagine ad eundem usum aliquò repones. Nunc
 palatunicam, & eam quæ nares succingit, ab osse sedulo in hoc abrades, ut mutuam earum
 tunicarum discas nexum. Si uerò quum caput dorsumque mouentes musculos aggredieris,
 primum dorsum agentium par ex sententia non spectaueris, id modo ablati his quæ fauces
 occupabant factum est facillimum, adeo ut & capitis dorsique motibus præfectos musculos tantisper
 integros asseruare nihil prohibeat, quousque inferiorem maxillam, eaque quæ faucibus continen-
 tur, sectionis serie ademeris. Quamquam hæc omnia ex secundo libro cuius obuia esse debeant,
 quemadmodum quoque ex primi libri calce discitur, qui costæ à uertebis ad sceleti præpara-
 tionem sint auferendæ, pectorisque os & cartilagine ipsi commissæ, seruandæ. Adeo ut nihil
 præpediat, in proposito cadauere à prima uertebra caluariam caput ue ipsum liberare, in illoque
 quæ sequens liber enarrabit condiscere, ad cuius finem omnia quæ in no-
 bis proposito cadauere adhuc uidenda sunt reliqua,
 commemorabo.

LIBRI SEXTI FINIS.


AN.

ANDREAE VESALII⁶⁰⁵ BRUXELLENSIS, DE HUMANI CORPO-

RIS FABRICA LIBER SEPTIMVS, CEREBRO ANI-

malis facultatis sedi & sensuum organis dedicatus, & mox in initio omnes
 propemodum ipsius figuras, uti & duo proximè præceden-
 tes libri, commonstrans.

PRIMA SEPTIMI LIBRI FIGVRA.



PRIMAE FIGVRAE, EIVSDEMQUE CHARACTERVM INDEX.

PRIMA septimi libri figura humani caput ita adaptatū exprimit, quemadmodum id
 cerebro ostendēdo opportunè à collo & inferiori maxilla dissecatibus liberatur. Præterea tan-
 tam caluariæ partē orbiculatim serra abstulimus, quanta quoque omnium quæ in caluariæ continen-
 tur amplitudine uidendorū gratia, auferri solet. quanta uerò illa sit, liquidò dijudicabis. si septi-
 mam figurā sexti capitis libri primi examinaueris, quæ hinc ablatā caluariæ partem interna su-
 perficie exprimit. Quæadmodū itaque præsens figura sectionis serie cæteras omnes inuicem ordine
 succedentes præcedit, ita quoque illā septimi libri figurarū primā non inopportune inscribimus,
 quæ durā cerebri cōmonstrat membranā adhuc illasam, neque aliqua ex parte pertusam, uulne-
 ratam ue. quamuis interim ipsius membranæ uincula diuulsimus, quæ per capitis suturas ad mem-
 branam efformandā porriguntur. quæ quod caluariā succingit, nuncupabitur. atque
 cum his fibris pariter uascula sunt effracta, quæ per caluariæ foraminula & suturas deducta,
 ipsi duræ membranæ, ac illi quæ caluaria succingitur, communes censentur. Cæterum ex duobus
 qui figurā ambire conspiciuntur orbibus, humiliorē, cutis & membranæ ipsi subditæ cōstituunt,
 elatior autem ipsa est caluaria. Vniuersum uerò hoc orbe complexū, durā cerebri membranā
 refert, omnibus characteribus in figura cōspiciuis uniuersim semelque indicatam. at singuli chara-
 cteres in hunc modum priuatim habent.

- A, A Dextrā duræ cerebri membranæ latus, seu eius membranæ pars dextrā cerebri regionē ambiens.
 B, B Sinistrum duræ cerebri membranæ latus.
 C, C Tertiū duræ membranæ sinus secundū capitis longitudinem exporrectus, & hic nulla ex
 parte

Ee 3